

VRBANI

VIII. PONT.

MAXIMI

electio.

ET FRANCIS. BARBERINI

S. R. E. Cardin. & Princ.

ad Lud. XIII. Fra. & Nau.

Regem Pontificia

Legatio.

Ex III. Tomo Annalium

RODOLPHI BOTEREII, IN

magno Franciæ Consilio Aduocati.



PARISIIS,

Apud IOANNEM BESSIN, propè  
Collegium Remense.

---

M. DC XXV.

Case

F

39

326

16256

THE NEWBERRY  
LIBRARY



V R B A N I V I I I  
PONT. MAXIMI ELECTIO.

Et Francisci Barberini S. R. E.

Card. & Princ. ad Lud. 13.

Franc. & Nauar. Regem

Pontificia Legatio

*Ex III. Tomo Annalium.*



RGONE' semper in fun-  
neribus versabor? sem-  
perne hæc Annalium pa-  
gina atrata & libitina  
parentabit? heu quot ego Pontifices  
Maximos, Cæsares, Reges, Princi-  
pesque summos extuli & luxi, Hos  
in Petri Cathedra sedentes, istos A-  
quilas, & Lilia regentes, aliosque tot  
gentium & rerum Dominos, eos



omnes falx vna auara mortis demef-  
 fuit, & puluerem fecit, illa tot do-  
 mitorum vna suprema domitrix:  
 non à multis annis Clemētem VIII.  
 moribus cognominem, diutino satis  
 Pontificatu fœlicem, Leonem XI.  
 paucorum dierum, paulo post Pau-  
 lum, & nudiustertius Gregorium  
 XV. qui aliquot mēfibus biennium  
 excessit, quem ætas & titubans vale-  
 tudo, longa tabe attritum confecit,  
 vt erat mente & consilio potens, di-  
 gnus sanè valentiori corporis statu,  
 quo ipsemet rebus gerendis superes-  
 set, ne sub vicaria opera & alie-  
 na, Romani Pontificatus magni-  
 tudo languesceret. Illo verò ter-  
 ris sublato, & ad eum cuius vices ge-  
 rebat recepto, vt in naui guberna-  
 tore vacua fieri æstuante falo, ventis  
 furētibus euenire solet, Romæ quod  
 de more est, non mediocriter labo-

ratum, sudatum & tumultuatum,  
 vt cum maiora Orbis lumina Ecli-  
 psi obscurantur, terrisque stupen-  
 tibus suo defectu tenebras spargunt,  
 non aliter fit occasu Solis inferi il-  
 lius, qui suo lumine vniuersas Eccle-  
 sias illuminat: Petri Cathedra & pri-  
 maria sedes non parum commota  
 fuit. Gregorius, brevis æui præscius  
 & dissidiorum conscius, quæ in sua  
 sublimatione ad Pontificatû exorta  
 erant, cupiens in posterum illa pro-  
 fligari & eradicari, constitutionem  
 certè sanctam & religiosam, vt aua-  
 ritia & ambitus ali rûque sordium  
 euerriculum, atque in ipsam iurare  
 Cardinales, sacramento adegerat,  
 non longè post, pejerare & condi-  
 tore sublato, eam tollere piaculare  
 erat, illi verò memores iurisiurandi,  
 omnes de sanctione sanctè & reue-  
 renter seruanda conueniunt, sed in



vertenda vrna & sortibus ducendis,  
 quod humanum est erupit, quod  
 diuinũ & syncerẽ mysticum est, per-  
 uicit; Coruus hinc, illinc Columba,  
 ille ater, remigio duplici ambitus &  
 affectu carnis, morticina appetens,  
 humanis affectibus ancillabatur, illa  
 tota niuea & candida, nihil imum  
 & mortale satagebat, ac tandem de-  
 tuinescente opinionum diluuiio, ra-  
 mum oleæ abstulit & victrix detulit,  
 superseditque quò sacri Flaminis au-  
 ra nutabundam impulit & defixit:  
 prudens abstineo referre tribunitias  
 factiones, quæ in electionibus Pon-  
 tificum plerumque exæstuât, huma-  
 ni ingenij æstus est, qui vbi illisus  
 est & fractus ad scopulos fidei, vt al-  
 ga projectò ad littus nauci faciendus  
 est, nec scriptis memorandus, nec  
 profectò rectè factum existimo à  
 còquisitore operum Cardinalis Per-

ronij, qui gloriosis illis & immortalibus vernaculam recitationem electionis Leonis XI. interseruit, quia multa non euulganda erant, & quæ vir maximus, in suo larario sibi seruauerat, nusquam typis mandari oportuit. At vetus & vera vox est, Pontificatum non humanis studijs, sed à Deo cœlitus dari, & quamuis Urbani VIII. electio, aliquot diffidiorum nebulis tâtillum infuscata fuerit, tamen spiritus ille, qui facit discrepantes vnius labij, omnium vota in vnum coëgit, deque illius Pontificatu dici potest, quod olim Petrarcha de Urbani V. sic enim Epist. ad eum, *Te, Deus profecto, Deus, inquã, solus, & nemo Cardinalium elegit, licet enim linguis illorũ vsus sit, vel ad aliud dispositas, ad suum vertit obsequium, quodque ipse volebat, dictu memorabile, per nolentes fecit. Subjungit alia Epist. ad*



Brunum: Sentio (inquit) sanctissimum  
 illum patrem verèque liberalem & Vr-  
 banum, Dei nutu expresso, ad humanæ  
 excellentiæ summum gradum bonis omni-  
 bus utilem & salutiferum ascēdisse. Vr-  
 bani verò nomē Pot. Max. sēper fœ-  
 lix & auspicatum fuisse experimentis  
 liquet, nam ut eum qui Valerianum  
 Cæciliæ sponsum, & Tyburtium fra-  
 trem tinxit, aliòsque cognomines  
 fastis Diualibus additos præteream,  
 Urbanus IIII. Gallus Tricassinus,  
 animi magnitudine, scientia cōsilio  
 morumque grauitate, dignitatem  
 Pontificiam adeptus est (verba sunt  
 Papirii Massonij, in vita Urbani)  
 Idem Petrarcha, testatur Urbanum  
 V. iuris vtriusque interpretem fuis-  
 se peritissimum, qui multis beneficiis  
 Bononiensem & Parisiensem Aca-  
 demias prosequutus est: Idem Mas-  
 sonius in Urbano V. præclaras vir-  
 tutes



tutes exulisse, eruditionem singularem, amorem iustitiæ & castitatis, odium Symoniæ ac munerum, & ingentem beneuolentiam erga bonos doctosque viros: nunquam profectò fœlicius neque gloriosius gubernata fuit nauis, quàm cum eruditos habuit Pontifices, ac ipse Petrus Christi Vicarius, alteram ab eo scientiam habuit, non illam, quam nos in Scholis operosè & anxie discimus, sed cœlitus immissam, & Apostolicis pectoribus desuper à patre luminum infusam, & sacri flaminis aura insufflatam, nam mundi Seruator, non Philosophos & Oratores ad prominandam suam æternique Patris doctrinam elegit, sed per piscatores quos assumpsit, Philosophos & Oratores subegit, vt argutè & verè scripsit Maximorum Pontificum eloquentissimus Gregorius I X. qui

sua morali facundia, omnium hære-  
 ticorum, quos omnis ætas pro diser-  
 tissimis venditat, luminibus offecit,  
 seu illi præfati fuerint siue noui, qui à  
 facundia nomen aucupati sunt, nam  
 ut de nostratibus verum fatear, Cal-  
 uinus ipse, Castalio, Beza, latine  
 scientes erant, Tulliani magis quam  
 Theologi, qui præ Gregorio nono  
 ante Monacho, strepunt & balbu-  
 tiunt: Proauorum ætas abundè lit-  
 terata, in Italia potissimum, viris sin-  
 gulari doctrina cōspicuis abūdauit,  
 vnde tot eruditi Pontifices Euge-  
 nius I. V. Nicolaus V. quem sua vir-  
 tus & litterarum absolutissima co-  
 gnitio, ad summum sacerdotium e-  
 uexit, ut à Gobelino Nicolai Hi-  
 storico est annotatum, & à Cardi-  
 nale Lusitano vno ex electorib⁹, qui  
 rogatus de recēs electo: respōdit, nos  
*Nicolaum elegimus, at Deus Pōtificem se-*



cit, sed nō vnus aut paucorū vox est,  
nam apud gentes omnes, eruditissimi  
nomen & gloriam promeruit & ob-  
tinuit, cum enim Academiam Lute-  
tianam, à prisco splendore nonnihil  
defecisse intelligeret, eam per Cardi-  
nalem Tosteuillam Legatum Apo-  
stolicum, instaurari procurauit: Pog-  
gius, suo æuo, & Romana & Etrusca  
lingua scriptor politissimus, & Aulæ  
Pontificiæ per annos quadraginta as-  
secla, de Nicolao hoc testimonium  
tulit: *quid grauius, quid sanctius, quid*  
*sapientius, vt alia omittam, illa tua ora-*  
*tione, post Eugenij exequias, ad Cardina-*  
*les habita, in qua presagium fuit, talem*  
*te futurum, qualem tunc Pontificem exo-*  
*ptasti, tu preterea sacras & gentilitias lit-*  
*teras didicisti, nullum doctrinæ genus te*  
*fugit, sed quid egô de Ænea Syluio*  
*Pio II. qui antequam mysticus & in-*  
*fulatus esset, non erubuit Poetam lau-*

reatum se profiteri? Sic enim Epist. ad  
 patrem. *Aeneas Syluius Poëta*, genitori  
*Syluius salutem*, qui cum poëtices &  
 literaturæ politioris laudibus, supra  
 omnes coætaneos se extulisset, æmu-  
 los omnes vicit, & per scalam erudi-  
 tionis ad Pontificatum ascendit, cum  
 enim Cardinalis Bessarion Græciæ ra-  
 rum decus, & Atticæ facundiæ flu-  
 men, quod arentem Italiam irrigarat,  
 de Pontificatu certamen faceret,  
*Aeneas Tros & Latinus*, Græcum vi-  
 cit, qui adepto hoc fastigio, musas  
 non despexit, earumque cultores im-  
 pendio fouit & amauit, nec Luteria-  
 nam Academiam neglexit, extat enim  
 Epistola ad eam plena affectus pater-  
 ni, scribitque Electionem Pontificis  
 Rom. non ab hominibus, sed à Deo  
 dari.

At quantumuis, confessus sacer-  
 sit & Apostolicus, ut est Cardinalium



coëuntium ad nouelli Pontificis  
 delectum, nihilominus nonnihil  
 discrepantiæ suboritur, vt in bo-  
 na segete, lappæ tribuli & lo-  
 lium succrescunt, quandoquidem  
 & inter ipsos Apostolos, aliquan-  
 tulum dissidij subortum memo-  
 ratur, sic in Conclauī varia studia, &  
 animorum æstus incallescunt, sed sa-  
 cri Pneumatis aura has nebulas diffu-  
 sit & mirabili pacis & concordia af-  
 flatu, omnium animos & vota in  
 vnum Barberinum adunauit, non  
 ambitus illum, non emptæ voces, non  
 Gyezetica negotiatio elegerunt, sed  
 sortitio illa, quæ Mathiam in locum  
 proditoris, qui detestabili cupiditate  
 Apostolum fædauerat suffecit, Ma-  
 phæum in Gregorij solium euexit,  
 nam reclusa vrna, votis scedulisque  
 computatis, omnibus numeris supe-  
 rior Barberinus, VI. Sextilis, Ponti-

fex Max. renunciatus est & salutatus,  
 peractisque ex momento aliquot ri-  
 tibus, desiit esse Maphæus, & Vrba-  
 nus VIII. factus & nuncupatus est,  
 neque id nominis sine nomine sibi  
 imposuit, mox in Borgefii Cardina-  
 lis cellam, in ipso Conclauī, tantisper  
 quietum & epulatum iuit, & nihil  
 prius aut antiquius habuit, quam vt  
 Aldobrandinos, Burgesianos, & Lu-  
 douisæos, trium Pontificum anteces-  
 sorum propagines, ex recenti illo  
 æstu commotos sedatos faceret, & ad  
 mutuam concordiam reduceret,  
 quod in ipso vestigio præstitit, & ca-  
 pita ipsa, Burguesium, & Ludoui-  
 sæum, in amplexus compulit, Aldo-  
 brandino cum Burguesio amicitiam  
 synceram & infucatam imperauit, &  
 ita Urbanus, à concordia inter fratres  
 redintegranda, Pontificatum auspi-  
 catus est, nec à faustioribus auspiciis



initium facere potuit, ac primo illo opere, profligatis simultatibus acerbitatibusque sepultis, & urbanitas & sanctitas nouelli Pontificis emicuit, longè ille alter ab aliis, qui semina odiorum & dissidiorum inter Cardinales aluerunt, & in Ecclesia scissuram fecerunt, qui rerum potiti, in eos qui in electione à suis partibus non steterant, odij iaculum & Vaticani fulmen euibrarunt; operæ pretium fanè fuisset, totius conclauis seriem diffusè referre ex vernacula scriptione, quam penes me habeo, sed sciens credidi nunquam esse euulganda, quæ ansam malè dicendi & explicandi præbent, ab hac scabie vngues continui, & scopulum vitæ, in quem alius de quo supra impegit, in Urbano diutius morari, ex aceruo materia succrescens in Annalibus, & se protrudens non finit, habebit ille suos

Historicos, Platinas, Gobelinos, Phi-  
 ladelphos, & Massonios, & me fortè  
 adijciam, si opellam nostram non de-  
 dignatur, illi plenis velis in suas lau-  
 des ibunt, ego passibus iniquis sequar,  
 vt qui post messorum spicas legunt,  
 hanc pagellam crudero, & falcula  
 primas aristas seco, ad hoc non alio  
 vento impulsus, quam veri & solidæ  
 virtutis, quam in eo Apostolico nun-  
 cio omnes experti & mirati sunt &  
 ego potissimum ex gustu Musarum,  
 & illecebris latinæ poësis, nam hoc  
 ludo Maphæus seria suæ legationis re-  
 creabat, & vt Regem Christianissi &  
 diuos indigetes demereretur, D. Lu-  
 douicum progenitorem suum, &  
 D. Magdalenam eremi Phocensis in-  
 colatu, Gallicam factam, hymnis sa-  
 cris sed omnino Flaccianis laudauit,  
 numeris prorsus cultis, quos & Pinda-  
 rus & Horatius suos esse velint, & pro  
 ipsis



ipsis vendicarent, nisi pietas Christiana renueret & diffiteretur. Quotquot sunt, qui nunc operantur Odis, Pindari & Flacci simiæ sunt, quos omnes à conando, si sani sunt, vnus Barberinus deterruit, & si post illum, chelim pulsare audent, prorsus barbari erunt: Ego autem qui in latina poësi non sum omninò peregrinus (nam nuper me in littore vidi &c.) Vbi hymnos magni Lyristæ legi, in numeris desipere destiti, & à versibus latinis abstinui, cautior illis, qui in facœtias suas Urbano, & crocitationes suas Olori, & quod dicebant veteres pro auro lupinos, offerunt, quique ne dissimilem gustum meum, versibus malis Urbanum onerarent, & inurbanè salutarent: Fas sit mihi Oloris albedinẽ, coruorum fuscedini opponere, hoc est Epodum aliquot versus, & ex

## Ode Regia D. Ludouici.

*Obiectu gemini maris,*

*Illinc Pyrenæi, arduis hinc Alpium*

*Præcincta muris, ingenio soli, & c.*

Quid istis numeris, putum latinum & Horatianum magis, in Ludouico Regius, in Magdalena diuinus, diuinior in prodigo seu pœnitente, in ipsa Ode, *quæ incipit sepulta criminis caligine & c.* Deus bonè! qui pœnitentium corda nouit, quàm ille, prodigi resipiscentis reuerfionem ad patrè suum, graphicè & euāgelicè pingit, vt lachrymosam illam tabulam effigiat, vt induit lugentis personam, quæ voces, quæ verba, quæ iacula inclusa numeris, vt feriunt, vt Deo vel inuito vim faciunt, sed cum oratio mea ad illius vbertatem arida sit: audite posterì & legite, vel saltem liminares versus, vt ex gustu de tota amphora iudicetis.



*Sepultus alta criminis caligine*

*Sæuisque vinctus nexibus.*

Qui rediuium Horatium non dixerit? nisi Arcadicus & Bœticus, ac venusinae chelis prorsus nescius, & vt olim Maphæus suppleuit in Marone, que Æneidi deerant, sic potuit solus Maphæus Barberinus, dignanter & æqualibus metris, quod in Flacco desideratur. O quanti, pietatis & lyricæ poësis amantes exoptarunt, vt ille Diuales hymnos paribus numeris, vt in Ecclesia canerentur concinisset, vt Prudentius, & Ambrosius præstiterunt, vt & Murerus noster delibauit. Sed Urbanus, in alium virum mutatus, in naui Petri maximus proreta, iam esse non potest, quod in Argo erat Orpheus, aliud imperantis, aliud obsequentis munus est, hæc interfero in Annalibus, quod soleo de præclaris, vel ex

vulgo hominibus, qui solo remigio  
 virtutis se euexerunt, Urbano non  
 palpo, non adulator, nihil ab eo nisi  
 noxarum venias, & Apostolicam  
 benedictionem posco, nam ego  
 vxoratus, ab eo sacerdotia non libe-  
 ris ambio, pater enim sum duarum,  
 quæ nuptæ improles sunt, sed meum  
 hoc est gratuitum testimonium,  
 quod posteris constare volui. Sed  
 heu? dum Roma, Urbano ouat & ac-  
 clamat, dum illi sospitatem, & in  
 Pontificatu longevitatem precor,  
 & pæana adorno, eccè de illo mor-  
 bus metum incutit, calamum excu-  
 tit, & territus isto rumore manum  
 suspendo, anceps animi & valdè per-  
 timescens, ne sua inauguratio Leo-  
 nis XI. exitum haberet, ac ouatio-  
 nes & plausus in luctum & lessum  
 verteret, sed dum trepido, eccè bo-  
 ni pedis nuncius aduenit, & Vrba-



num morbo leuatum & sospitati  
 redditum, publicat, resumo cala-  
 mum Soteria adijcio, & pagellam  
 hanc impleo, quæ in volumen abi-  
 ret, si quis à foro & litibus, mihi  
 Otia faceret.

**FRANCIS. BARBERINI,**  
*San. Rom. Eccl. Cardin. &*  
*Principis, Pontificia*  
*Legatio.*



Omani Pontifices , eo  
 semper fuere affectu &  
 propensione in Christia-  
 ni orbis principes, vt quo-  
 ties inuicem ( quod nimium vetus  
 est & crebrum ) digladiantur & de-  
 sæuiunt, præsto adsint, & sequestros  
 se præbeant, placant animos , emol-  
 liunt iras , & redintegrata fœdera-  
 tione pugnantibus arma excutiunt:  
 adhibita hac incruenta medela , fa-  
 ciunt, quod solent patres familias,  
 qui filios iurgantes, aueruncantis  
 dissidiorum seminibus, ad frater-  
 nam concordiam reuocant; à meo



ortu, quantum mihi valdè puero au-  
 dire & scire datum est, rerum suc-  
 cessu, usu & experientia, non nisi  
 bonos & æquanimis Pontifices ex-  
 pertus sum, nempe Pium 5. Grego-  
 rios 13. & 14. Sixtum, Clementem,  
 Paulum 5. & nouissimū Gregorium,  
 cui Vrbanus 8. successit, & nunc in  
 naui Petri remum tenet, alios inter-  
 iectos Pontifices breuis æui, & quos  
 fata diu esse noluerunt, non me-  
 moro, cum vitæ & imperij breuitas,  
 facinorum immortalitatem eis in-  
 uiderit, nunc verò Cardinalis Bar-  
 berini hodierna Legatio mihi antea  
 Cardinalis Ethrusci, qui postea pau-  
 corum dierū Pontifex fuit, memo-  
 riam & suæ Legationis fœlicitatem  
 renouat, eiusque recordatione vt  
 plurimum & medullitus recreor:  
 Gallia tunc bello triplici ardebat,  
 intestino Ligatorum tunc senescen-

te, sed nondum sopito, Hispanico  
 & Belgico. Clemens 8. tam Chri-  
 stiani & potentis regni vicem mise-  
 rans, non immemor tot insignium  
 benefactorum, quæ Apostolica se-  
 des à Regibus Galliæ accepit, de  
 stemmate Medicæorum Cardina-  
 lem, Oratorem caduceatorem &  
 boni pedis nuncium, ad Henricum  
 4. transmisit, ea dignatione & pom-  
 pa, quæ ortum & purpuram tanti  
 viri decebat, excepit & complexus  
 est, vt amplissimè 2. tomo Annalium  
 posteris sciendum expressi. Sed non  
 possum non recordari arguti acroa-  
 matis, Achillis Harlæi Senatus Prin-  
 cipis, qui affatu suo ad Legatum, vno  
 verbo mirificè recreauit, non sine  
 aculeo ad memoriam Sixti, *Occur-*  
*rimus tibi amicè & beneuolè, quia à Cle-*  
*mente missus es*, Sic argutè Harlæus  
 & admittentis clementiam, & Sixti  
 prio-



priorem acerbitalatem allusit. At Florentiæ Cardinalis, nihil prius & antiquius habuit, quam firmare pacem, inter duos potentiss. Reges Gallum & Hispanum, qui non immerito Orbis Christiani fulcra, & huius cœli inferioris Atlantes dici possunt, Soles gemini, cum alij, vt signa Zodiaci numerari possunt, Orator venit in Galliam, in Italiam exorator rediit, stabilita pace Veruinea, cuius fœlicitate nunc adhuc fruimur, vt in Annalibus hanc auream telam, haud tenui stilo texui. Cum vero Urbanus 8. ab inito Pontificatu, initia dissidiorum inter eos Reges sub cinere doloso latentia, in fauillas & in incendium erumpentia prospexisset, restinguendis non oleum, vt auersi Pontifices, sed aquam infundendam putauit. Ille qui per decennium circiter, apud Henricum 4.

Oratorem egit, memor dignationis, humanitatis & affectus, quem tot annis prosequutus est, in Ludouicum filium religiosè & cordatè animatus, ac etiam cura & studio religionis tuendæ, cuius caput est, & summus moderator, nepotem Cardinalem misit necessariò & opportunè ad sedandos motus & turbines, qui contrariis principum molitionibus, toti Europæ exitium supremum minitantur: Rex Catholicus potens, sed qui impotèter nimiù alienis finibus imminet, nec auitis & partis se continens, Lunę crescentis plenitudinem affectans, totum orbem implere nititur: quò non iuit? quò non penetrauit? quid non molitur & non agit, pulcherri-  
mæ terrarum Italię quod reliquum est inuidet, suam esse vult, partitam negat, & metus est, ne Petrum vecti-



galem faciat, ni Pauli districtus gladius vetet, jampridē ille caput, & pedes, Mediolanum & Parthenopem occupat, vmbilicum & latera appetit, brachia concidere affectat, an corpus vel cadauer futura sit Italia, dubium, & tibi *Vrbane* non satis securum: Ferdinandus Cēsar gentilitius, ope & opibus suis nixus tota Germania alas extendit, & fusē latēque imperat, dominatu non satis stabilito, quandoquidem magna emulorum coitio in eum arma parat, Bethlinus Gabor transylvanię Dynasta, Danię & Suecię Reges, & Ferdericus, Palatinatu exutus & extorris, qui Regis Bohemię titulum nec vsque ponit, noua spe erectus Anglo-gallici coniugij ad recuperandum fortiter se accingit fœderatorum principum auxiliaribus armis. Aduersus hanc illuuiem, vix

Hispanus se tueri potest, viribus diuisis, toto pene orbe, cuius habenas affectat; profectò ambitus ille, & exterorum regnorum inhiatio, & clauibus & Liliis, & Italis potissimum terrori esse debet, aliunde non minus heresis formidanda; nam vt Iberica dominandi cupido, regnis est exitio, sic ista animabus & religioni, nec minimum *Vrbanus* afficitur, penes quem summum est arbitrium & moderatio sacrorum, ad hoc vices Christi agit, ad hoc datus est terris, suę sunt partes, nam sacerdotium oculus, imperium manus & brachium est, vtrumque sine altero mancum & mutilum, etiam apud Ethnicos religionis & politię munia discreta erant, quę diuinus scriptor ritè & aptè, vel ad nostros mores discriminauit, nam sic ille ad Antistitem,



*Cura tibi Diuûm effigies , & templa  
tueris,*

*-Bella viri pacemque gerant , quæ  
bella gerenda.*

*Et alibi ad Imperatorem.*

*Tu regere , imperio populos Romanè  
memento.*

His exemplis excitatus *Urbanus* qui  
Virgilium & Flaccum pari stilo &  
modulatione exequat , & periclitan-  
tis religionis zelo affectus & exæ-  
stuâs , Legatum misit vt aduersus no-  
uatores & tot se adglomerantium ad-  
uersariorum insultus, religioni securè  
cautum sit , hoc satagit , in hanc cu-  
ram incumbit, quæ aliam mixtam &  
indiuulsam habet , vt Hispanus in vi-  
cinorum fines se effundens suis coer-  
ceatur , & modum seruet , alioquin  
facturus , quod *Phyfici* de serpente  
*Basilico* memorant , qui solus afflatu  
& obrutu , ne dicam attractu , omnia

fugat & dissipat,

*Et in vacua regnat Basilicus arena.*

Priuatorum direptiones, furta vocantur, principum verò latrocinia, quod scapha & lintre latrunculus audet, classe numerosa Reges agunt, & sola potentia facinus distinguunt, ideoque dum religioni cauetur, verendum ne illo obtentu auitis suis regnis principes exuantur. Vtrique malo sub Henrico 4. Florentinus Cardinalis prospexit, id ipsum à *Barberino* Legato expectamus, quando quidem missus ab eo Pontifice, qui Galliam & Gallos corditus amat, qui moribus nostris assuevit, qui insigniter litteratus bonas artes complectitur, in Latina poëtice facile princeps, qui sanos à scribendo deterruit, Flaminius, & Buchananos, in Lyricis superauit, cuius perlectis hymnis, mihi in hac arte non omnino rudi silentium in-



dixi, & post illum omnia fugere car-  
 mina putavi, post fregotia forensia  
 conuerso studio ad Annales, ne cum  
 cæteris in latina poësi nugari & ine-  
 ptire videar. *Urbanus* enim ad poëtas  
 omnes posset merito hoc vetus præ-  
 conium vsurpare *procul ô procul este*  
*profani*. Cum verò apud eum mei me-  
 moriam renouare non possim, quo-  
 niam diuturnitate temporis & nomi-  
 nis mei & vultus oblitus est, quamuis  
 frequens me suo alloquio & com-  
 mercio versuum dignatus sit, altero  
 anno electionem illius misi, quam le-  
 ctam & perlectam ab eo mihi litteris  
 constitit, putavi ista scriptiuncula so-  
 pitam recordationem denuo reno-  
 uandam, nec aliud iucundius lectu-  
 rum, quam pagellam hanc quæ *Le-*  
*gato nepoti summos honores dela-*  
*tos recenser, in quibus narrandis tam*  
*verus quam brevis & oculatus sum:*

At vt certò accepit Rex Christianiss.  
 Legatum, Regni fines ingressum, de  
 aduentu gratulatum misit, præfectis  
 urbium & oppidorum quâ iter fecit,  
 vt dignanter & regaliter exciperent  
 iniunxit, cui sedulò paritum est, mox  
 Lugdunum appropinquanti, San-  
 chaumontium torquata vtriusque  
 militiæ in occursum misit, vrbe po-  
 tentissima ad Rhodanum & Ararim,  
 pompa regia exceptus est, dehinc  
 Aureliam secundo flumine delatus  
 est, ibi conquieuit, dum diploma Le-  
 gationis (*facultates vocant*) à Senatu  
 probaretur, re procrastinata & pera-  
 cta, carrucæ quantum satis erat, ad ve-  
 cturam comitatus sui, missæ sunt, ille  
 sedatis itineribus, ambulanti similis,  
 Aurelia Lutetiam venit, pro more  
 prisco Legatorum in amœnissimo vi-  
 reto Cantilupi commoratus, donec  
 ad ingressum magnificum omnia  
 ador-



adornantur. Venturo obuiabat & ouabat populus, & ante Pentecostem ingressurus putabatur, sed & festi tam augusti celebritas, & portentosa nimbi illuuiēs (quæ calamitatem castris, municipiis & agris nullo precio æstimandam, plusquam ducentis hominum naufragiis, locis penitus aridis inuexit) ingressum in feriam 4. distulit, cælo non satis constante, ille circa meridiem regia caruca uetus in sancti Maglorij Monasticam & suburbanam basilicam, pransum venit, Augustus Regis frater cum delectu Aulicorum, Archiepiscopi & Episcopi triginta sex numero, salutatum venire, omnis itidem clerus, parrochi, plæbani, Flamines Canonici, monachi cuiuscunque ordinis stricti & laxioris suo ordine præeuntibus crucis vexillis, prodeuntes ad geniculati in conspectum se dedere, antero-

re porta admissi, postica dimitebantur, ne succedentibus impedimento essent, post epulum Patres Conscripti Senatus, Curia vectigalium, præfectura prætorialis seu præsidialis, præfectus mercatorum & ædiles urbis, & certatim omnes ordines Legato vicissim gratulantur, tantus concursus, ut non nisi serus urbem ingressus sit, interea tota Lutetia populosissima urbium totius Europæ, ad conspectum & pompam se effundit, qua iturus erat, omnia sursum deorsum solo & cœlo complentur, in tabernis & officinis erecta tabulara, & cum fenestræ vim spectantium non caperent, ad tigna & columnas, audentiores semipenduli ægrè & periculose se affixerant, alij ad domorum fastigia evaserant, porticus, tabernæ, cænacula, magni conducebantur, equis, carrucis, omnia tam dense prepedita com-



pita, ut non nisi alta nocte domum  
reditum sit. Legatus sub serico ten-  
torio, mula procera vectus; circa sex-  
tam à meridie, jam prono sole porta  
Iacobeæ ingressus est, duodecim for-  
mosi puelli selecti sumptu regio ve-  
stiti antecedeabant, & octo tubicines,  
ille post & à latere Regis frater, cum  
numerosissimo equitatu. Academię  
rektor ex tabulato concione latina  
Legatum excepit, cui breuiter & ap-  
positè respondit, mox se effunden-  
tibus turmis & acclamantibus, lentè  
ad metropolim progressus est, à pe-  
dissequis & scurris satis molestè ap-  
petitus, spe diripiendæ mulæ, quæ ad  
vestibulum Ecclesię occupantibus in  
prædam cedit, nihilomin⁹ solita pro-  
teruitas à satellitio coercita, & quan-  
tum potuit inhibita, interiectis can-  
cellis abigenis, ac tandem precatatione  
facta, iam alta nocte quietum & cœ-

natum in palatium Archiepiscopale  
 iuit, Rex, & Augustæ, nullum huma-  
 nitatis & dignationis genus prætermi-  
 serunt, quo publicè testarentur, quam  
 gratissimus aduentus Legati illis &  
 toti regno fuerit, nam ea oris & cor-  
 poris fuit præstantia, & in signandis  
 spectantibus decencia, vt omnium  
 oculos in se cōuerterit, & animos con-  
 ciliarit, præclara certè initia & auspi-  
 cia, quæ Deus vtinam secundet, & fir-  
 mata pace mihi scribenti historiam  
 materiam luculentam præbeat; tam  
 iucundus eius aspectus, vt vultus ab  
 incisoribus, tabulis æneis expressus  
 sit, & publicè diuenditus, hac epi-  
 graphe subiecta *S. R. E. princeps  
 Franc. Barberinus Cardinal.* postquam  
 triduo conquieuit, ad priuatum col-  
 loquium Regis, sine comitatu & an-  
 teambulonibus admissus est, neque  
 enim alter alterius diutius desiderium.



ferabat, 27. Maij publico & magnifico ita Luparam adiit, vt Legationis summam exponeret, quod grauitè & perspicuè explicauit, & ex nutibus agnitum, quàm amicè & beneuolè Rex dicentem audiuiſſet, mox peracta concione ad Regale epulum, quod Augusta Medicæa parauerat euocatus est, & igne ferotino & geniali pyrotecnico artificio fulguranti recreatus est. Iſta carptim & in ipſo feruore ingreſſus triumphalis, texui, quæ Annalium non ingloria lacinia est, properè tibi mittendam ausus sum *Urbanè Pontif. Max.* ea fiducia, qua altero anno tuam electionem miſi, electionis & Legationis delibatio est, quæ diffuſè 3. tomo continetur, ſi modo ad emittendum regia liberalitate ſumptus & otium detur, quindecim annorum opus est, cuius Pontif. Max. & Reges paginas

gloriosè implent & præconem me  
habent, quos tamen nunquam Mœ-  
cenates expertus sum.

Ad vrbānum 8. Pont. Max.

**A** Vsoniā tētare Chelim, modulosque lyristæ  
Flacci, fas nulli sano puto: Rusticus ille,  
Omninò, Urbani post dia poemata & hymnos,  
Qui Venusinæ vnus, plectrū chelis æquat eburno.  
Pectine: at obscænos Flaccus modulatus amores,  
Abreptus iuuenili æuo, atque calentibus annis,  
Romæ, sorte humili Libertino patre natus,  
Urbanus domin<sup>9</sup> dominæ vrbis, Romulus alter,  
Qui Christi Petrique vices tenet, arbiter Orbis  
Christicolæ, fideique arcem, non dispare versu  
Nec minus ille cheli arguta, quā Pindarus olim,  
Numinus & Diuum æternos modulatur honores,  
Magdali siue tuos, Laurenti inuictè per ignes,  
Aut Lodoice tuos, regni indiges inclytè, gentis  
Stirps sacra Borbonidū, heroas Urbanus Olympi  
Quam cultis numeris, latioque lepore, camæna  
Quam suavi cecinit, nisi cedro digna loquutus:  
Inter aues quod Olor, Luscinia, Achātis, Ædon,  
Sic inter lyricos vates Urbanus, Apollo  
Ausoniæ tangenda chelis cui plectra reliquit,  
Et pulsare fides dedit, Orpheæ Vincere cantu.



Postera Flaminos, Buchananos, desinat ætas  
 Mirari, quamuis Davidica metra sonantes,  
 Versibus herois dignanter Apolline dextro,  
 Sed non ad Flacci lyricum accessere canorem;  
 Varibus Urbanus laurum eripit omnibus vnus;  
 Iurgantum ille vices Regum miseratus, acerbos  
 Motusque, affectu & succensus amore paterno,  
 Inter Pelidem componere & inter Atridem  
 Misit, qui amorum strepitum, Martisque fragorem,  
 Romano fulgentem ostro, & pulchro ore nepotem  
 Ante annos rerum quem ornat prudentia velox:  
 Gallia rota, illum magnas complexa per vrbes,  
 Regali excepit cultu & prædiuite sumptu,  
 Et grata augustos venienti effudit honores,  
 Tota ruens miræ ad spectacula publica pompa,  
 Lataque, sit plenis angusta Lutetia vicis,  
 Illa Urbanè tibi est multos habitata per annos,  
 (Sū memor, & vultu nō me aspernat<sup>9</sup> amico es.)  
 Nosti, quam densis sit foeta Lutetia turmis:  
 • At sua non desunt spectacula noctibus atris,  
 Compita collucent genialibus omnia flammis,  
 Sequana, & accēsis noctu Lupara ignibus ardet,  
 Sulphure & igniuomo nigro iacula æthere toto,  
 Ignescunt, forti per inane emissa lacerto,  
 Ipse nouum credas terris Salmonea natum,  
 Qui fulmē creperū, & qui rauca tonitrua fingat;

*Auspice Legato pacem expectamus, ab armis  
 Otia, & inducias stabiles à Marte furenti,  
 Dii faciant, regnus & cesset Iberia hiare  
 Finitimis, & tot satiata quiescat auitis,  
 Liberet Italiam, terrore metaque pauentem  
 Austriadū iā aquilas nimium per cuncta vagantes,  
 Queis præcidenda prædantibus omnia penna,  
 Ni faciat, totam socialia ad arma mouebit  
 Europam, & late communis habebitur hostis.  
 Ille coercendus, qui aliena cupidine ceca  
 Appetit, & solus qui totius orbis habenas,  
 Quà sol exoritur, quâque occidit, & riget arctos  
 Indus & insanis qua Solibus vstus anhelat,  
 Gallia, & Italiae, his aquilis fragmenta supersunt:  
 Obsta Urbanè, tuus paries iam proximus ardet.  
 Lilia sint nunquam diuulsa à clauibus, arcto  
 Vincula simul nexu, & sit iuncta Lutetia Romæ,  
 Celticus, & Tyberi eternum sit Sequana Thufco.  
 Plura per Annales latios memoranda relinquo.*

F I N I S.